

2 Jon

¹ Njai matu gurman, girek en njigireg pein ta pilianek ak inanen nanun, nanun pein dadi sad na njigane yau da. Idaned ilo rumok kisaek an lo mi naji ilog njupanaŋ da, agod an naji mi tia ya. Tia, aenta a ru rumok ak duloŋ dan inŋ dam mi a.

² Ru rumok an id ilod lo yen da, agod an ago id lo pempem yen yau a.

³ Bai Anut, inŋ Jesus Kristus Bai sen Nanun da, inŋsad ilo panek, inŋsad ilo mujanek agod inŋsad maror id da tumado wa, an man ru rumok lo, agod id niŋed o dumat an lo dam mi wa.

⁴ Njai ilog uyanan mok da, man dugo, onŋsa nanuk aenta ru rumok ak diganuri dan neil a, an nek ibol Bai sen ru kagin irupaiad ak igo woŋ ago digane da.

⁵ O pein, naji ru foun ak ta njigireg njurupaio na da, tia, ru en o fun lo mok girane na yen an nek amaiak mi fon njurupaio da. Id kisaek kisaek nug ilon tupani san niŋen o njugudano da.

⁶ En man ilo panek, inŋsan awak aban san ru kubiaen an mi turi wa. Agod en man inŋsan ru kubiaen, nek kubaien a fun lo mok alon an ago mi, an ilo panek san kagin an lo mi ator a.

⁷ Man dugo, sewak tamol wei mi dilasag panu panu lo dutor da. Inŋ Jesus Kristus tinin tamol mok igo woŋ ilasa yan uyan ta dupani na da. Tamol naok ago man inŋ sewak tamol, agod Kristus san ager tamol ta igo ya.

⁸ Kagin agane wa. Mel a an luluŋam lo dilasa san niŋen maŋ urat wagai migane na yan ideg yau banau. Tia, mel an naon idaisudam aŋane wa.

⁹ Talpein a imaspalup imug yau dop, an lo piteŋenek mok Kristus niŋen o yan lo ta itur sakar pe imado na tap, in Anut da tia ya. Gug talpein piteŋenek an lo itur sakar pe imado dan in Bai da, agod inanen Nanun da mi a.

¹⁰ Ak talpein ta aŋsam na ipalu, ago gug in piteŋenek ru en tia tap, an aŋanem ab lo imado wo ta aŋanep au na wa. Agod ilo uyan ru ta arupein na wa.

¹¹ Man dugo, talpein a tamol naok ago yak ilo uyan ru irupein dan, kulob an lo inŋsan urat saian an in da sisem disini wa.

¹² Nai ru wei mi ŋigirep aŋsam na ŋigane ipalu wa. Ak man nai gau nam pepa roun lo ŋigirep ŋigane ipalu man ŋamoi a. Ago gug naisag ilog yen dak, mitep naiseg nieg nam nupalup id sisem nug naon tupanip tininŋen a. Ago dop man id sisem ilod uyanan mok a.

¹³ Onane lu (pein) a Anut sen ipiliani an, inŋsan nanun muroun onsa na ilo uyan ru en digane ipalu ya.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d